



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

Izveštaj o održanom prvom mentorskom sastanku u okviru javnog poziva za predaju projektnih prijedloga komponente za mlade u sklopu projekta Regionalni program lokalne demokratije na Zapadnom Balkanu (ReLOaD2) u Gradu Goraždu

U okviru Javnog poziva za organizacije civilnog društva/nevladine organizacije za predaju prijedloga projekata komponente za mlade, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Goraždem, u petak, 24. marta, 2023. godine u terminu od 11.00 do 14.00 sati održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Prvi mentorski sastanak održan je u prostorijama Gradske uprave Goražde i bio je prilika da predstavnici OCD-a sa mentorom javno diskutuju o nedoumicama i dilemama u okviru pripreme projektnih prijedloga komponente za mlade.

Termin prvog mentorskog sastanka definisan je u samom **Javnom pozivu za predaju projektnih prijedloga komponente za mlade u sklopu projekta Regionalni program lokalne demokratije na Zapadnom Balkanu 2 (ReLOaD2) u Gradu Goraždu**, na zvaničnoj internet stranici Grada Goražda, te Razvojnog programa Ujedinjenih nacija (www.undp.org). Dodatno je poziv za učešće na prvom mentorskom sastanku upućen organizacijama civilnog društva i nakon informativnog sastanka „Otvoreni dan“ koji je održan u srijedu 22. marta, 2023. godine.

Prvom mentorskom sastanku prisustvovalo je ukupno osam predstavnika/ca organizacija civilnog društva (od čega četiri muškaraca i četiri žene), jedna predstavnica Gradske uprave Goražde i UN volonterka.

Na početku mentorskog sastanka, učesnicima je pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga**, ali da **uloga mentora nije da na bilo koji način učestvuje u izradi samih projektnih prijedloga**. Istaknuto je takođe da u cilju osiguranja primjene transparentnog pristupa realizaciji mentorstva, konsultacije „jedan na jedan“ sa predstavnicima OCD nisu dozvoljene. Nakon uvodnog predstavljanja svrhe mentorskih sastanaka i planiranog načina rada mentor je dao mogućnost prisutnima na sastanku da iznesu svoje dileme i postavljaju pitanja.

Tokom diskusije razgovarano je o sljedećim temama:

1. Veza projekta sa prioritnim oblastima Javnog poziva

Mentor je podsjetio kako je u dokumentu Smjernica naznačeno kako prijedlozi projekata trebaju biti usklađeni sa četiri prioritne oblasti iz samog Javnog poziva. Naglasio je kako su prioritne oblasti definisane na osnovu strateškog dokumenta Grada Goražda, te usko definisane na dijaloškoj platformi za mlade. Veza projektnog prijedloga sa prioritnim oblastima iz Javnog poziva svakako treba da postoji i posebno se ocjenjuje prema definisanim evaluacionim kriterijima. Učesnicima je ponovo pročitana spisak prioritnih oblasti i ponovo podcrtana obaveznost kreiranja prijedloga projekata u okviru ovih tematskih oblasti.

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



2. Definisane ciljne grupe

Mentor je podsjetio kako je Javni poziv namijenjen isključivo organizacijama čiji projekti će biti usmjereni prema mladima, te ciljna grupa moraju biti isključivo mladi od 15 do 30 godina starosti. Ciljna grupa, osim što moraju biti mlade osobe, moraju biti i stanovnici Grada Goražda. Predstavnicima/ama OCD-a je savjetovano da posebnu pažnju posvete odabiru ciljne grupe, s fokusom na uočavanje njihovih problema i potreba i prevazilaženje tih poteškoća kroz definisanje projektnog prijedloga.

Mentor je podsjetio da ciljne grupe moraju biti jasno definisane, kao i jasna korist provođenja projekta za ciljnu grupu. Prilikom definisanja posebno trebaju opisati način odabira ciljne grupe. Prilikom definisanja ciljne grupe kroz projektni prijedlog potrebno je da podaci o ciljnoj grupi budu razvrstani i po spolu i po dobi.

S obzirom da će ciljnu grupu činiti i malodobne osobe, organizacijama je savjetovano da tokom implementacije projekta obezbijede suglasnost njihovih roditelja/staratelja za učešće u implementaciji projektnih aktivnosti.

3. Definisane budžeta

Mentor je pojasnio kako minimalna vrijednost projekta mora biti 10.000,00 KM, a maksimalna 20.000,00 KM. Pojašnjeno im je kako budžeti delegiranih projekata ne smiju biti niži od 10.000,00 KM, niti veći od 20.000,00 KM.

U skladu sa Javnim pozivom i Smjernicama objašnjeno im je šta ne može biti finansirano, kao što je kupovina polovne opreme, sponzorisanje pojedinaca u svrhu prisustva naučnim konferencijama i slično.

4. Uslovi za diskvalifikaciju

Dio pitanja se odnosio i samu diskvalifikaciju prilikom evaluacije projekata.

Odgovor: Mentor je pojasnio uslove za diskvalifikaciju:

- Nepotpuna dokumentacija;
- Korištenje obrazaca koji nisu definisani u Javnom pozivu, te izmjena obrazaca koji su definisani u Javnom pozivu;
- Administrativni troškovi su veći od 30% ukupne vrijednosti budžeta;
- Budžet je manji od 10.000,00 KM ili veći od 20.000,00 KM;
- Ciljna grupa nisu mlade osobe od 15 do 30 godina;
- Projekat traje kraće od četiri ili duže od osam mjeseci,
- Postoji diskontinuitet u projektnim aktivnostima;
- Projekat se ne realizuje na području Grada Goražda;
- Projekat nije u skladu s prioritarnim oblastima Javnog poziva;
- Projekat je dostavljen mimo roka i načina definisanog u Javnom pozivu.

Predstavnicima/predstavnicama organizacija civilnog društva iznijele su svoje potencijalne ideje za pripremu projektnih prijedloga, nakon čega im je mentor skrenuo pažnju da svi njihovi projekti moraju uključivati mlade s posebnim fokusom na njihov volonterski angažman, odnosno animiranje mladih u masovnije uključivanje u volonterske akcije. Također je naglasio kako je idući mentorski sastanak prilika za OCD da pripreme svoje projektne prijedloge i definišu nedoumice o kojima će biti razgovarano.

Na kraju sastanka mentor se zahvalio prisutnim predstavnicima/ama OCD na učešću, te najavio da će sljedeći mentorski sastanci biti organizovani 31. marta, odnosno 7. aprila, 2023. godine u Gradskoj upravi Goražde s početkom u 11 sati.



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Grada Goražda. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.